

Broj: 01/1- ____/19
Kakanj, __.10.2019.godine

Na osnovu člana 5. Odluke o legalizaciji bespravno izgrađenih građevina i bespravnih zahvata ("Službene novine Zeničko-dobojskog kantona" broj: 18/19) i člana 24. Statuta Općine Kakanj ("Sl. novine Općine Kakanj", broj: 4/08), Općinsko vijeće na ____ sjednici održanoj dana __.__.2019.godine, **donijelo je**

ODLUKU
o imenovanju stručne komisije za legalizaciju bespravno izgrađenih građevina i bespravnih zahvata na području općine Kakanj

Član 1.

Imenuje se stručna komisija za legalizaciju bespravno izgrađenih građevina i bespravnih zahvata na području općine Kakanj u sastavu:

1. Mirza Fazlić, Pomoćnik općinskog načelnika, predsjednik komisije;
2. Asima Bjelopoljač, dipl.ing. arh, član komisije;
3. _____, **dipl.ing.građ., član komisije;**
4. _____, **dipl.ing., član komisije;**
5. Sabina Čaluk, dipl.pravnik., član komisije.

Član 2.

Stručna komisija za legalizaciju bespravno izgrađenih građevina i bespravnih zahvata na području općine Kakanj, ima zadatak da po svakom pojedinačnom zahtjevu donese stručno mišljenje o mogućnosti legalizacije bespravno izgrađene građevine i druge poslove propisane Odlukom o legalizaciji bespravno izgrađenih građevina i zahvata. Stručno mišljenje treba da sadrži sve neophodne elemente za definisanje urbanističko-tehničkih uslova i drugih uslova za bespravno izgrađenu građevinu. Ista je dužna o periodično svom radu dostavljati izvještaj Općinskom načelniku.

Član 3.

Stručna komisija će poslove iz član 2. ove Odluke obavljati u skladu sa Poslovníkom koji će donijeti na prvoj sjednici, a sve u skladu sa Odlukom legalizaciji bespravno izgrađenih građevina i bespravnih zahvata.

Član 4.

Stručna komisija za svoj rad ima pravo na naknadu, koja će se utvrditi posebnim aktom Općinskog načelnika, a troškove rada komisije snosi lice po čijem zahtjevu stručna komisija radi.

Član 5.

Ova Odluka stupa na snagu osmog dana od dana objavljivanja u "Službenim novinama Općine Kakanj".

PREDSJEDAVAJUĆI
OPĆINSKOG VIJEĆA

Slaven Katičić

O b r a z l o ž e n j e

Skupština Zeničko-dobojskog kantona na svojoj 14. sjednici održanoj dana 30.09.2019.godine donijela je Odluku o legalizaciji bespravno izgrađenih građevina i bespravnih zahvata, ista je objavljena u Službenim novinama Zeničko-dobojskog kantona broj: 18/19 od 07.10.2019.godine.

Članom 5. navedene Odluke je propisano slijedeće:

(Imenovanje stručne komisije)

- (1) Strčnu komisiju od 5 članova imenuje Skupština Zeničko-dobojskog kantona, na prijedlog Ministarstva za prostorno uređenje, promet i komunikacije i zaštitu okoline, odnosno Gradsko/Općinsko vijeće na prijedlog resorne Službe, zavisno od nadležnosti iz člana 69. Zakona.
- (2) U Stručnu komisiju iz stava (1) ovog člana imenuju se: pomoćnik ministra ili šef službe za prostorno uređenje, koji predsjedava Stručnom komisijom, jedan diplomirani inženjer arhitekture, jedan inženjer građevine – konstruktivni smjer, jedan diplomirani inženjer čija će se struka odrediti zavisno od vrste, veličine i namjene bespravne građevine i jedan diplomirani pravnik.
- (3) Članovi stručne komisije moraju imati najmanje pet godina radnog iskustva na poslovima prostornog planiranja i provođenja prostorno – planske dokumentacije i položen stručni ispit.
- (4) Stručna komisija za svoj rad ima pravo na naknadu koja će se utvrditi posebnim aktom ministra, odnosno gradonačelnika/načelnika, a troškove rada komisije snosi lice po čijem zahtjevu Stručna komisija radi.

Shodno gore navedenom članu Služba za privredu, urbanizam i zaštitu okoline Općine Kakanj je dala prijedlog imenovanja komisije uzimajući u obzir propisane uslove koje treba da ispunjavaju članovima komisije.

Zadatak komisije je određen shodno članu 6. Odluke, kojim je propisano slijedeće:

(Mišljenje stručne komisije)

- (1) Stručna komisija po savkom pojedinačnom zahtjevu donosi stručno mišljenje o mogućnosti legalizacije bespravno izgrađene građevine.
- (2) Stručno mišljenje iz stava (1) ovog člana sadrži sve neophodne elemente za definisanje urbanističko – tehničkih i drugih uslova za bespravno izgrađenu građevinu.

Prilog prijedlogu je Odluka o legalizaciji bespravno izgrađenih građevina i bespravnih zahvata objavljena u Službenim novinama Zeničko-dobojskog kantona broj: 18/19 od 07.10.2019.godine.

PREDLAGAČ

OPĆINSKI NAČELNIK

OBRADIVAČ

**SLUŽBA ZA PRIVREDU, URBANIZAM I
ZAŠTITU OKOLINE**